

Bô-sat-chiá

Tân Lúi

2008

Hit-ê gín-á hō lāng àn chùn-kau kiù--khí-lâi hit-jit, in lâu-bú kâ i lám--leh meh-meh-khàu m̄ pàng, bē-su chin chai-iaⁿ, nā pàng--khì tō ē koh bô--khì. Ân-ne moh chit-m̄, keh-túg-chá chông khi Sian-kong-biō sio kim, kâ sîn-bêng chiù-choāⁿ hē-goān, ùi chit-jit khí ták-jit kèng-sîn pài-Hút, chiah tng-chai. In lâu-pē choân 1-hù ti-sim ti-koaⁿ, 1-chiah hoan-bîn ah-kak, koh 1-taⁿ Koaⁿ-tian ê lêng-kak khi Kim-in--á in tau, kâ i pài kâ i siā. “Chit-ê Kok-seng--á góa siⁿ--ê, m̄-kú sī lí chiah ũ--ê.” Chit-kù ôe kóng 4-5-piàn, chio i kiát-pài oāⁿ-thiap chò hiaⁿ-tī.

Hit-jit sit-thâu chò soah àn hia kòe, tú-tú thiaⁿ-tiòh kau-á-té lāng teh hoah kiù-miā, bô-khò-khoàⁿ tō thiàu--lòh-khì, sūn he chúi-sè 1-chhiú kâ i chang--khí-lâi, phō khí-lâi kau-á téng. Kâ khoàⁿ, hiau-hēng ah, tō-sī Pōng-chím--á in hâu-siⁿ. Chit-ê Kok-seng--á koàn 1-tō chúi, tit-tit thờ, ka-chāi iáu-ū khùi, hiám-hiám tō bô sí! Phō tng-khì in chhù, Pōng-chím--á khoàⁿ he kiáⁿ 1-sin-khu sí-lāng sek, bē-su sí-ti-á thài hó tó tī hia, kiò-sī í-keng khi--ah, moh leh tōa-siaⁿ khàu, “Góa kiáⁿ ôe! Góa ê sim-koaⁿ-á kiáⁿ ôe!...”

Chit-ê Kok-seng--á kap Chhun--á kâng hòe, nng-ê put-sī kat chò-hóe, siong-hó ná hiaⁿ-tī. Kim-in--á in cha-bó-lāng Liōng--á, hit-jit khoàⁿ Kok-seng--á hō lāng phō--tng-lâi, bák-chiu-jîn tiàu-tiàu, kui sin-khu sí-lāng sek, bē-su im-kan tng--lâi ê chúi-kúi, sim-lâi tō bô hoaⁿ-hí, bē-sin koh kâu khiàn-sng, chhit-liām poeh-liām, “Chit-ê gín-á ũ tài miā-té lah!” Kim-in--á m̄ i, “Cha-bó-lāng chit-ki chhùi! Lí bô khoàⁿ lāng gín-á koai-koai, chheh lóng thák tē-it-miā. Lán Chhun--á kám tòe i ē tiòh?”

M̄-kú lāng kóng jit--sī siūⁿ kúi, àm-sī chò băng. Chit-ê Kim-in--á chêng-á hán-tit chò băng, hit-jit soah chò 1-ê bá-băng. Băng kìⁿ Chhun--á chē tī chàu-kha teh thó-tōa-khùi, hoân-ló kah 1-ê bîn jiâu-jiâu, bák-chiu-phê koāⁿ-chúi. Saⁿ-sì-cháp-hòe-á, khoàⁿ--khí-lâi pí i khah lâu. Tú siūⁿ beh m̄ng, tō cheng-sîn ah. Liân-sò 2-jit kâng hit-ê băng. Hiáng-sī lāng khah khiām, m̄-kam khi m̄ng thiah-băng--ê, kơ-kơ bûn-bûn khng tī sim-thâu.

Keh kúi-kang iū-koh băng-tiòh Chhun--á, m̄-sī iu-thâu kat-bîn, beh khàu beh khàu, m̄ng i siáⁿ-tāi, in kóng, “Pōng-pōng táuh-táuh beh tó sa chiah-chē chiⁿ?” Kim-in--á m̄ng, “Jōa-chē chiⁿ?” Chhun--á in, “Gō-pah-bân lah!” “Chiah-chē chiⁿ beh chhòng siáⁿ?” “Kok-seng--á teh thó!” Kiaⁿ 1-tiô, bē-hù m̄ng tō koh cheng-sîn ah. Thiⁿ í-keng kng-iāⁿ-iāⁿ, Kok-seng--á phāiⁿ 1-ê chheh-pau tī m̄ng-kháu teh tán. Chhun--á chhun-chhiú kâ lâu-pē thó sì-siù-á chiⁿ, Kim-in--á siūⁿ khí tú-chiah băng--nih ê tãi-chì, sūn-chhùi m̄,

“Thó chiah-chê chiⁿ beh chhòng siáⁿ?” Chhun--á in, “Hâm Kok-seng--á khi bóe peng-ki.” Kim-in--á khoàⁿ he Kok-seng--á, saⁿ-khò chhēng kah chheng-khì chheng-khì, chhiú--nìh 1-pún chheh teh thak, sim-lāi kóng, “Bāng bóng bāng, m̄-thang ơ-pêh siūⁿ!”

Chhui án-ne kóng, sim koh pàng bē lōh--khì, keh 2-jit iū koh chò bāng, m̄ng in Chhun--á, “Kok-seng--á thó-chiⁿ beh chhóng siáⁿ?” Chhun--á in, “Kok-seng--á poah tōa-kiáu su lāng chiⁿ.” “Góa to chai-chai, sòe-hàn koai-koai gâu thak-chheh, tōa-hàn khioh-kak chò pháiⁿ-kiáⁿ. Khoàⁿ ē chhut--lāi lah! Khoàⁿ ē chhut--lāi lah!” Mā, “Mài chhap i! Chit-khoán pháiⁿ-kiáⁿ mài hiù-lān i! I su kiáu kap lán bô-tāi.” Chhun--á hòiⁿ-thâu, “A-pa lí m̄-chai. Kok-seng--á chit-má tōa-bóe ah.” “Án-choáⁿ tōa-bóe?” “Lán chia hiaⁿ-tī lóng i teh hoah khí hoah lōh. Nā bô chiⁿ khi, pàng-tiau beh liáh Gín-in--á tú-siàu.” “Gín-in--á?” “A-pa, góa kan-taⁿ chit-ê kiáⁿ, lí kan-taⁿ chit-ê sun!” Soah chhiⁿ--khí-lāi, Kok-seng--á lāi tī m̄ng-kháu, káu teh pūi. Chhun--á chhun-chhiú thó peng-ki chiⁿ, Kim-in--á chhiú ká liáh leh, mā, “Mài chhap i, chit-khoán pháiⁿ-kiáⁿ mài hiù-lān i!”

Kòe--lāi kui lé-pài sim bün-bün. Âm-sī tó leh, bák-chiu kim-kim m̄-káⁿ khùn, kiaⁿ khi bāng-tiòh Chhun--á. Bîn-chhng-thâu hoan-lāi péng-khì, in bó m̄ng, chiah kóng he bāng hō i thiaⁿ. “Góa to chai-chai leh, chit-ê gín-á ũ tài miā-té leh lah!” Khí-lāi phau giū-pông-tê hō i lim, lim lōh tō ē khùn, bāng-tiòh Chhun--á teh khau, “Khi ah lah! Khi ah lah!” “Siáⁿ-lāng khi ah?” “Gín-in--á hō Kok-seng--á liáh khi ah lah. Bô chin tō beh hō sí!” Kim-in--á kóng, “Kiù gín-á khah iàu-kín, chíⁿ seng hō i chiah kóng.” Ka-tī sin-khu-piⁿ ē chin khēng-khēng leh, tàu-tàu 500-bān, pò-tē tē leh, tō khi chhōe Kok-seng--á.

Che Kok-seng--á chē tī lō-piⁿ teh tán--i, sì-khō-úi sī koân-koân kē-kē ē chháu-pơ, piⁿ--á 1-keng sè-sè ē Iú-èng-kong sū, li-li lāu-lāu, chhat lóng lāk bô--khì ah. Chit-ê Kok-seng--á khoàⁿ--khí-lāi goân-chāi 13-4-hòe, kan-taⁿ hit-ê bîn ē hiáh-á kap phīⁿ-thâu chit-tōa-jiah lù phòah khi. Kim-in--á mā, “Kok-seng--á, lí hó-táⁿ sí! Liáh goán Gín-in--á beh chhòng-siáⁿ!” Kok-seng--á kóng, “A-peh, pok--1-ki.” Tu 1-ki hun hō i. Kim-in--á mā, “Lí chit-ê ti-káu cheng-siⁿ, bô chēng bô gī! Nā m̄-sī lín-pē ká lí kiù, lí iáu ũ kin-á-jit chit-tiâu miā!” He hun tōa-ê suh 1-chhui, thâu-khak hîn, sêh-lin-long. “Ha! Ha! Tō sī chit-tiâu miā lí kiù--ê, chit-má lóng lí-ê! Hó-bái lí tam-tng!” Póe 1-ki té-to chhut--lāi, tōa-tōa-lát tui thō--nìh tuih--lōh-khì. He to tit-tit chhah tī thō--nìh, chhim-chhim-chhim chhun 1-ki péⁿ, ká khoàⁿ, he thō soah lâu hoeh chhut--lāi. Hiông-hiông Kok-seng--á sin-khu soah bô--khì, chhun 1-liáp thâu phū--leh tīm--leh, chhin-chhiūⁿ tī chúi--nìh teh beh im--khì ah... “Kiù miā lah! ...Kiù miā lah!...” Tiòh-kiaⁿ hoah, “Chīⁿ lóng tī chia!” Pò-tē piaⁿ leh, chíⁿ chia-chhia--chhut-lāi. Ká khoàⁿ, kui thō-kha 1-tháh 1-tháh sí-lāng iōng ē kim-chóa, nah sī chíⁿ! Chhoah-1-tiô chhiⁿ--chhiⁿ--khí-lāi.

Chit-sin-khu chhin-koāⁿ, kha-bóe chhiú-bóe léng-ki-ki, chhui-lāi iáu ũ chhau hun-bī, taⁿ m̄-chai sī chhiⁿ iáu-bē? Ká khoàⁿ, gōa-bîn hong thau, thang-á-m̄ng si-si soāiⁿ-soāiⁿ, iáu sī poàⁿ-m̄ àm-bîn-bong-niau. Chē--khí-lāi chhoán-tōa-khui, siūⁿ kóng taⁿ kòai ah, nā m̄-sī lāng sí, nah ũ hiáh-chē kim-chóa-chiⁿ? Jú siūⁿ jú bô chū-chāi, hīⁿ-khang lāi ki-ki-kiò, ũ thiaⁿ-tiòh Kok-seng--á chiam-chiam ē siaⁿ teh hiu, “Chit-tiâu miā lóng lí-ê, hó-bái lí tam-tng...”

Bák-chiu kim-kim m̄-káⁿ koh khùn, tán kàu thiⁿ kng káu pūi, Kok-seng--á lāi tī m̄ng-kháu, pháiⁿ 1-ê

chheh-pau, thêh 1-pún chheh teh khoàⁿ, Kim-in--á liām, “Chit-ê gín-á ũ tài miā-té leh lah!” Tī hia tō hē 1-ê koat-sim.

Hit-1-kang Kok-seng--á iū koh àn chùn-kau hia kòe, Kim-in--á kâ kiò, “Kok-seng--á, lí ka-tī 1-ê beh tó khi?” Kok-seng--á in, “Góa beh khi liam chhân-iⁿ.” Kim-in--á kâ iát-chhiú, “Lâi, lí lâi kap góa liáh chúi-ke.” Kok-seng--á kap i peh khí kau téng, hit-sî sai-pak-hō tú soah, chùn-kau ê chúi kòng-kòng-lâu. Kok-seng--á kiaⁿ chúi, kóng, “Goán A-bú hoan-hù, kau-á chúi tōa, m̄-thang óa--khi.” Kim-in--á kóng, “A-peh tī chia kâ lí kò, bô iàu-kín.” Khiā tī koân-koân ê kau-á-téng, sî-ûi chit-tōa-phiàn ê tiū-á chhiⁿ-chhiⁿ lèk-lèk, í-keng chē-chē 1-chhiòh koân. Chit-sî jít-thâu tú-tú lòh--khi, chhân--nih lóng bô lāng, kan-taⁿ kúi-chiah tōa-chiah pèh-lêng-si hō ngó-chhái ê thiⁿ chhiò kah âng-hoáⁿ âng-hoáⁿ, tī hia kiāⁿ lâi kiāⁿ khi. Hiông-hiông chhut 1-ê tōa-lát, kâ chhia lòh--khi. Kok-seng--á bē-hiáu siū-chú, sin-khu tīm--lòh--khi, chhun hit-liáp thau tū tī chú--nih phû leh phû leh, koh líóng 2-ê, bē-hù ai tō bô--khi ah.

I khiā tōa kau-á-téng tán, kú-kú bô koh phû--khí-lâi, chiah tōa-siaⁿ hoah, “Kiù lāng oh! Kiù lāng oh!” Kòe saⁿ kòe khò thiàu--lòh--khi, tī kau-á-té sa tiòh Kok-seng--á ê kha, hō--khí-lâi khng tī kau-á-téng, kâ khoàⁿ, í-keng chá tō sí--khi ah. Hit-ê 13-4-hòe ê gín-á-bīn, hiáh-á kap phīⁿ-thau chit-tōa-jiah lù-phòah--khi, kap bāng--nih-ê kâng-khoán kâng-khoán. Phō tng-khi in chhù, Pōng-chím--á khoàⁿ he kiáⁿ 1-sin-khu sí-lāng sek, bák-chiu kim-kim, chhui-á khui-khui, chú iā bô thờ, chai-iaⁿ í-keng khi--ah, lám leh tōa-siaⁿ khau, “Góa kiáⁿ ôe! Góa ê sim-koaⁿ-á kiáⁿ ôe!...”

Hoat-i lâi giām si, kàm-tēng sī im-chú sí--ê. Chhut-soaⁿ hit-jit, Kim-in--á sio chiok-chē kim-chóa-chiⁿ hō Kok-seng--á, kâ in pē-bú kóng, “Góa nā chá 1-pō tō hó lah!” He lâu-pē kóng, “Chit-ê gín-á kai khi--ê, tē-it-pái kiū ũ tiòh, tē-jī-pái iā tiòh khi.” Jī-chhiáⁿ chng--nih sng-miā ê A-iú--á kóng, Tân Kok-seng ũ tài miā-té, in lâu-bú chiáh tng-chai iā bô-chhái kang. Pōng-chím--á khau kah ũ bák-chiu bô bák-sái, oàn ka-tī tng-chai chiáh bô chheng, hit-jit thau tam 1-tè môa-iū chhá ti-koaⁿ.